

— 7 —

Mar fal d'oh hui men diméein,
Ur masonér 'gonzet ket d'ein ;

Ur masonér a gér de gér,
Vé 'foetein pri doh er vangoér.

Mar fal d'oh hui men diméein,
Ag ur halùé 'gonzet ket d'ein ;

Get é vohal vras, er halùé
Pen d'er ben és me feutehé.

Mar fal d'oh hui men diméein,
Ur labourér 'gonzet ket d'ein ,

Perpet ér park get labourér,
Aveit ur voéz poénius michér .

Mar fal d'oh hui men diméein,
Ur hantonér 'gonzet ket d'ein ;

Ur hantonér ar en henteu
A boén ma houni é dam kreu !

Mar fal d'oh hui men diméein,
Ur hemenér 'gonzet ket d'ein ,

Ur hemenér e zou lorbour,
Ha nen dé ket dén a inour.

Mar fal d'oh hui men diméein,
Ag un toér 'gonzet ket d'ein ;

En toér ar en toenneu,
E riskl a dorein é vanpreu.

Mar fal d'oh hui men diméein,
A bautr ur go 'gonzet ket d'ein ;

Mab er go du doh e vegin
E zou ken donjerus a vin !

Mar fal d'oh hui men diméein,
Ur melinér 'gonzet ket d'ein ;

Ur melinér, a di de di,
E voéz ne hra nameit dikri :

Mar fal d'oh hui men diméein,
Ur guiadér 'gonzet ket d'ein ;


Ur guiadér, é peb amzér,
E zou laer bras ha geuiatér.

Mar fal d'oh hui men diméein,
Ag ur héré 'gonzet ket d'ein ;

Kement kéré e hanaùet
Pen d'er ben e zou maheignet !

Mar fal d'oh hui men diméein,
A vab er markiz konzet d'ein !

Mab er markiz en des argant,
Bout moéz dehon me zou koutant.



Pardon Kelùen

I

A pe oen mein dénig iouank, seitek pé trihuch vlé,
A pe huélen mein me mestrez me halon e hré joé

II

A pe ganné ur huerzennig petremant ur poz kan,
Saillein e hré me halonig èl mamen ur fetan.

— 8 —

III

Hé deulagad glas en hé fen e zou ken lugernus l...
En dén iouank hel ou sellet haneh e zou eurus.

IV

Er hetan gueh'm boé hi guélet, oé é pardon Keluen
Gronet a vrageriseu zeï ar hé goug ur hoalen.

V

Hé hoéfig dantel ar hé fen, doh un in oé haval,
Haval doh un estig bihan ar ur boud e kannal.

VI

Pe oé achiù er gospéreu ha groeit er hetan bal,
Me zihuskas me zok em dorn hi goulen de zansal ?

VII

— Oh ! gieu, oh ! gieu, dénig iouank, get kalz a blijadur
Rahuiz un dén ken karadek n'hellan ket a dra sur.

VIII

Me grog eta en hé dorn guen, d'er horol hi hondu :
Ol deulegad en dud iouank goeh ar nomb a bep tu !

IX

Men dous gorollas ken skanùk ha hi e hounidas,
Un tanterig sei du moaret hag ur rubannen glas

X

Chetu tremenet en anderù hag achiù er horol
Dam nì hun deu d'er gér, men dous, rauk ma kuhei en héol...

XI

Na pegement a blijadur en dé sé m'em es bet.
E tremen dré henteu Keluen get men dousig karet

XII

Er rañned glazik ér lenneu sonnè ur mélodi,
Ur mélodi ken kaer, men dous, èl ne gavér hanni.

XIII

Hag en àùel barh ér gué derù e ganné ken bourus...
Biskoah ! Biskoah ! men dousig koant'n dont ket bet ken eurus...